



Selasa, 05 April 2022

Ogen: Esekiel 33:30-33



DESKEN PERKOLONG-KOLONG



Ibas tradisi, budayanta kalak Karo lit igelari perkolong-kolong. Biasana bas kerja meriah ukur, ceda ate, kerja tahun ras sidebanna megati perkolong-kolong itenahken. Menuaurt kamus Karo perkolong-kolong eme penyanyi dan penari, banci sekalak diberu ntah pe dilako si ilakokenna dahin e alu rende janah landek. Adi sipergermetken, perkolong-kolong enda desken artis Karo, tuhu meriah kal iakap sabab sanga rende ia, landek ka janah adi adu ia cakap ntah pe kata sibelaskenna tuhu 'menghibur' kalak sinterem. Amin ibas adu perkolong-kolong ije lit kata pecat-pecat ate jadi, terjeng dedahen nge ngenca.

Perkolong-kolong end ape isingetken ibas renungenta sendah, Esekiel ikataken Dibata desken perkolong-kolong so mejile sorana rende, ngendeken ende-enden ate ngena, beluh ngkuit kulcapi. Kata siisehken Esekiel kerina ibegiken tapi sada kal pe la ikutken bangsa enda. Amin bage gia Dibata mpegegehi Esekiel, amin la idengkehken bangsa sinterem enda ia ibas paksana pagi ija kata siisehken Esekiel jadi maka iinget bangsa enda pernah lit nabi sinehken kata e. Jadi me kai siiturikenna man bangsa sinterem enda.

Perenungen man banta, lalah kejadi ibas jaman Esekiel enda, nari nari seh wari enda labo erdobahen? Ntah pe kalak sierkiniteken, ntah atan pe kita, terjeng ndengkeh-ndehken kata Dibata si isehken serayanNa arah Pustaka SI Badia bagepe dahin gereja subuk kebakti minggu, PA kategorial ras renungen-renungen si lit terjeng idengkehken saja nge ngenca? Sinehken kata Dibata desken perkolong-kolong, meriah siakap mbegisa, payo ateta tapi la silakoken. Erkajar arah bangsa Israel ibas jamanna, ula kal si usih. Kita la terjeng jadi 'pendengar yang baik' tapi jadi pelaku Firman si ertangjawab.

➤ Dengkehken ras lakokenlah si isehken persuruhan Dibata